

O‘zbekiston Respublikasi, 100029, Toshkent shahar, Buxoro ko‘chasi, 24-uy
tel.: (0-371) 252-21-18, faks: (0-371) 256-47-97, E-mail: info@sfp.uz, www.kasaba.uz, sfpu@exat.uz

№ БМ - 16/1051

« 06 » сентябрь 20 21 yil

**Ўзбекистон касаба уюшмалари
Федерациясининг Қорақалпоғистон
Республикаси, вилоятлар ва Тошкент
шаҳар кенгаши раисларига**

Ўзбекистон касаба уюшмалари Федерациясининг 2021 йил 18 майдаги “Олий таълим муассасаларида таҳсил олаётган фаол ёшларга касаба уюшмалари стипендиясини ажратиш ҳамда касаба уюшма аъзоси бўлган фаол ёшлар учун санаторийларга бепул йўлланмалар бериш тизимини янада такомиллаштириш тўғрисида”ги 3-06 “с”-сонли Раёсат қарори маълумот ва ижро учун юборилмоқда.

Мазкур қарор билан тасдиқланган “Ўзбекистон касаба уюшмалари Федерацияси томонидан олий таълим муассасаларида таҳсил олаётган фаол ёшларга стипендия тайинлаш тўғрисида”ги ва “Касаба уюшмаси аъзоси бўлган фаол ёшларни Ўзбекистон касаба уюшмаси Федерацияси тизимидаги санаторийларда соғломлаштириш тўғрисида”ги Низомлар асосида тегишли ишларни амалга оширишингизни ҳамда натижаси юзасидан белгиланган муддатларда Ўзбекистон касаба уюшмалари Федерациясига маълумот тақдим этишингизни сўраймиз.

Илова: 8 варақда.

**Ўзбекистон касаба уюшмалари
Федерацияси раиси ўринбосари**



Б. Махмадалиев

ҚАРОРИ
QARORI

Тошкент ш.
Toshkent sh.

2021 йил 18 май

№ 3 - 06 "с"

Олий таълим муассасаларида тахсил олаётган фаол ёшларга касаба уюшмалари стипендиясини ажратиш ҳамда касаба уюшма аъзоси бўлган фаол ёшлар учун санаторийларга бепул йўлланмалар бериш тизимини янада такомиллаштириш тўғрисида

Мамлакатимизда ёшларга оид давлат сиёсати соҳасида кенг қўламли ишлар олиб борилмоқда. Бу борада Ўзбекистон касаба уюшмалари Федерацияси томонидан ҳам қатор ишлар амалга оширилмоқда. Жумладан, жойларда жамоа келишувлари ва шартномаларига “Ёшлар учун қўшимча имтиёз ва кафолатлар” бўлими киритилиб, ёш ишчи - хизматчилар учун аниқ ва кафолатли имтиёзлар берилмоқда.

Бу каби ишларни давом эттириш, шунингдек, олий таълим муассасалари ҳамда касаба уюшмалари фаолиятини ривожлантиришда фаол иштирок этаётган, ижтимоий ҳимояга муҳтож ёшларни рағбатлантириб бориш, уларни ҳар жиҳатдан қўллаб-қувватлаш ва соғлиқларини мустаҳкамлашга кўмаклашиш мақсадида Ўзбекистон касаба уюшмалари Федерацияси Ижроия Қўмитаси **қарор қилади:**

1. “Ўзбекистон касаба уюшмалари Федерацияси томонидан олий таълим муассасаларида тахсил олаётган фаол ёшларга стипендия тайинлаш тартиби тўғрисида”ги Низом 1-иловага, “Касаба уюшмаси аъзолари бўлган ёшларни Ўзбекистон касаба уюшмаси Федерацияси тизимидаги санаторийларда соғломлаштириш тартиби тўғрисида”ги Низом 2-иловага мувофиқ тасдиқлансин.

2. Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар Кенгашлари раислари:

бир ҳафта муддатда 1 ва 2-иловадаги Низомлар асосида ҳудудий комиссиялар тузиш;

календарь режалар тузган ҳолда, стипендиялар тайинлаш бўйича номзодларни кўриб чиқишни ҳар йили октябрь ойининг биринчи ўн кунлигида яқунлаш;

комиссиялар ишини ҳолислик ва шаффофлик асосида ташкил этишни таъминласинлар.

Низом асосида берилган номзодларни шакллантириш, комиссиялар фаолиятини ташкил этилиши ҳамда ҳаққонийлиги учун Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар Кенгашлари раислари шахсан масъуллиги белгилаб қўйилсин.

3. Ўзбекистон қасаба уюшмалари Федерацияси аппаратининг **Ёшлар билан ишлаш бўлими** (У.Закирлаев) стипендия тайинлаш ва санаторийларга йўлланмалар ажратиш бўйича ишларни мувофиқлаштириб, ҳудудий кенгашлар берган номзодлар рўйхатини Федерация раисига тақдим этиши белгилансин.

4. Ўзбекистон қасаба уюшмалари Федерацияси аппаратининг **Молия бўлими** (Ж.Ҳамзаев) стипендиялар учун маблағлар ажратилишини, тегишли ҳудудий кенгашлар билан ўзаро ҳисоб-китоб қилинишини ҳамда даромадлар ва харажатлар сметасида кўзда тутилишини таъминлаш;

Ижтимоий суғурта бўлими (Н.Ишанханова) билан биргаликда санаторийларда бепул соғломлаштириш учун мазкур қарорнинг 2-илоvasи билан тасдиқланган Низомга мувофиқ ҳудудий кенгашлар ҳисобидан маблағ ажратилишини таъминлаш чораларини кўрсин.

5. Ўзбекистон қасаба уюшмалари Федерацияси Кенгаши Раёсатининг 2017 йил 30 октябрдаги “Олий таълим муассасаларида таҳсил оладиган фаол ёшларга Қасаба уюшмалари стипендиясини таъсис этиш ва санаторийларга бепул йўлланмалар ажратиш тизимини жорий этиш тўғрисида”ги 8-93 “с”-сонли қарори ўз кучини йўқотган деб ҳисоблансин.

6. Мазкур қарор ижросини назорат қилиш Ўзбекистон қасаба уюшмалари Федерацияси раиси ўринбосари Б.Махмадалиев ҳамда Ёшлар билан ишлаш бўлими мудири У.Закирлаев зиммасига юклансин.

Ўзбекистон қасаба уюшмалари
Федерацияси раиси



К. Рафиқов

**Ўзбекистон касаба уюшмалари Федерацияси томонидан олий таълим муассасаларида тахсил олаётган фаол ёшларга стипендия тайинлаш тўғрисида
НИЗОМ**

I. Умумий қондалар

1. Ўзбекистон касаба уюшмалари Федерациясининг стипендияси (кейинги ўринларда "стипендия" деб юритилади) Ўзбекистон Республикасидаги касаба уюшмаси ташкилоти мавжуд олий таълим муассасаларида тахсил олаётган иқтидорли талабаларни моддий рағбатлантириш мақсадида касаба уюшмалари ташкилотлари томонидан олти ой муддатга тайинланади.

Стипендияга - ижтимоий муҳофазага муҳтож, таълим муассасаси ва касаба уюшмалари фаолиятини ривожлантиришда фаол иштирок этаётган талабалар олий таълим муассасасининг касаба уюшмаси кўмитаси қарорига асосан тафсия этилишлари мумкин.

2. Стипендия ҳар бир ҳудуддан 1 (бир) нафардан, республика бўйича жами 14 (ўн тўрт) нафар талабага берилади.

Истисно тариқасида, Ўзбекистон касаба уюшмалари Федерацияси раиси томонидан стипендияга лойиқ деб ҳисобланган ёшларга белгиланган квота (14 та)дан ташқари стипендия тайинланиши мумкин.

II. Номзодлар томонидан стипендияга ҳужжатларни тақдим этиш ва уларни кўриб чиқиш

3. Стипендияга номзодларни танлаш учун Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашларида (кейинги ўринларда "ҳудудий кенгашлар" деб юритилади) стипендия тайинлаш комиссияси тузилади.

4. Касаба уюшмалари стипендияси:

ўқув режаларини етарли даражада ўзлаштирган ҳамда чин етим, етим, ногирон;

ижтимоий муҳофазага муҳтож оила фарзанди;

таълим муассасаси ва касаба уюшмаси фаолиятида фаол;

бошқа қўшимча стипендия олмаётган талабаларга берилади.

5. Номзодлар ўзлари тахсил олаётган олий таълим муассасаси касаба уюшмаси кўмитасига қуйидаги:

иловага мувофиқ тўлдирилган номзод анкетаси;

фуқаролик паспортининг нусхаси;

3,5 x 4,5 см ҳажмдаги 2 дона рангли фотосурат;

рейтинг дафтарчасидан нусха;

ногиронлиги, етимлиги ёки ижтимоий муҳофазага муҳтожлигини тасдиқловчи ҳужжатларни тақдим этади.

6. Олий таълим муассасаси касаба уюшмаси кўмитаси номзодлардан келиб тушган ҳужжатларни алоҳида жилдга жойлайди, ҳар бир жилд муқовасида ОТМ номи, талабгорнинг фамилияси, исми ва отасининг исми, факультети, курси, гуруҳини кўрсатади.

7. Стипендияга ҳужжат топширган номзодлар олий таълим муассасаси илмий (педагогик) кенгаши билан касаба уюшмаси қўмитасининг қўшма мажлисларида муҳокама этилади ва **йилнинг 30 сентябрига қадар** кенгашнинг стипендия тайинлаш комиссиясига номзодларнинг ҳужжатлари ҳамда қўшма мажлис баёни тақдим этилади.

Худудда иккитадан ортиқ олий таълим муассасаси мавжуд бўлган ҳудудий кенгашларга ҳар бир олий таълим муассасасидан бир нафардан кўп бўлмаган номзод тақдим этилиши зарур.

8. Тақдим этилган ҳужжатлар ҳамда номзоднинг комиссия ҳузурида берган маълумоти ҳудудий кенгашнинг стипендия тайинлаш комиссияси томонидан **10 октябрга қадар** кўриб чиқилади.

Стипендияга муносиб кўрилган 1 (бир) нафар номзод танлаб олинади ва ҳудудий кенгашнинг ижроия қўмитаси қарори билан тасдиқланади.

9. Стипендия тайинланадиган ёшлар рўйхати қоида тариқасида Ўзбекистон касаба уюшмалари Федерацияси томонидан ҳар йили 30 октябрга қадар тасдиқланади. Стипендия ҳар бир талабага республикада ўрнатилган меҳнатга ҳақ тўлаш энг кам миқдорининг 2 (икки) бараварида белгиланади ва келгуси календарь йилнинг январь ойидан бошлаб олти ой муддатда ойма-ой тўланади.

10. Стипендиялар ҳудудий кенгашлар маблағлари ҳисобидан Ўзбекистон касаба уюшмалари Федерацияси билан ўзаро ҳисоб-китоб қилиш орқали ажратилади ва буни йиллик даромадлар ҳамда харажатлар сметасида кўзда тутлади.

11. Стипендия бир талабага фақат бир маротаба берилади ва электрон базага киритилади. Стипендия олган талабанинг рўйхатга қайта киритилмаслигига ҳудудий кенгаш раҳбари шахсан жавобгар ва масъул ҳисобланади.

III. Стипендиантларни тақдирлаш

12. Комиссия ҳулосасига кўра стипендияга лойик деб топилган талабани тасдиқлаш ҳақидаги ҳудудий кенгаш ижроия қўмитасининг қарори Ўзбекистон касаба уюшмалари Федерациясига ҳар йили **20 октябрга қадар** тақдим этилади.

13. Ҳудудий кенгашлар ижроия қўмитаси қарори билан тасдиқлаган ва тақдим этган рўйхатлар (стипендиантлар)ни Ўзбекистон касаба уюшмалари Федерацияси аппаратининг Ёшлар билан ишлаш бўлими умумлаштиради ва уларга махсус сертификатлар тайёрлайди.

14. Ёшларга “Касаба уюшмалари стипендианти” сертификатлари “11 ноябрь – Ўзбекистон касаба уюшмалари куни” байрами арафасида тантанали тарзда топширилади.

IV. Яқуний қондалар

15. Касаба уюшмалари стипендиясини тайинлашга доир барча таклиф ва мулоҳазалар ҳудудий кенгашларнинг комиссиялари томонидан кўриб чиқилади.

16. Касаба уюшмалари стипендианти ойда бир марта касаба уюшмаси фаолиятини оммавий ахборот воситаларида ёритиши ёки унинг тадбирларида иштирок этиши зарур (тасдиқловчи ҳужжатлар кенгашга тақдим этилади), 2 ой давомида мазкур йўналишдаги ҳаракатсизликлар стипендия беришни тўхтатишга асос бўлади.

17. Талабаларнинг касаба уюшмалари стипендиясини тайинлаш бўйича ариза ва шикоятлари қонун ҳужжатларида белгиланган тартибда кўриб чиқилади.



**ЎЗБЕКИСТОН КАСАБА УЮШМАЛАРИ
ФЕДЕРАЦИЯСИ СТИПЕНДИЯСИГА
НОМЗОД АНКЕТАСИ**

3,5 x 4,5 расм

номзоднинг фамилияси, исми, шарифи

Олий таълим муассасаси ҳақида маълумот:

Муассаса номи: _____
Факултет (йўналиши): _____
Курс / гуруҳи: _____

Номзодга қисқача тавсифнома:

Шахсий маълумотлар:

Туғилган куни, ойи, йили _____ Туғилган жойи _____

Паспорт серияси _____ рақами _____ берилган вақти _____

Ким томонидан берилган _____

Донимий яшаш манзили _____

Телефон рақами:

Мобил: (+998)9 _____, (+998)9 _____

Уй: (+998) _____

Туғилган сана _____

Шахсий имзо _____

**Касаба уюшмаси аъзоси бўлган фаол ёшларни
Ўзбекистон касаба уюшмаси Федерацияси тизимидаги санаторийларда
соғломлаштириш тўғрисида
НИЗОМ**

I. Умумий қоидалар

1. Мазкур Низом "Ўзбекистон касаба уюшмалари Федерацияси тизимидаги санаторийларда ёшларни соғломлаштириш тартиби тўғрисида" бўлиб, (кейинги ўринларда "Низом" деб юритилади) Ўзбекистон касаба уюшмалари Федерациясининг Ёшларга оид сиёсати Концепциясининг устувор йўналишидан келиб чиққан ҳолда, касаба уюшмалари аъзоларидан ёшларни, шунингдек ижтимоий муҳофазага муҳтож олий таълим муассасалари талабаларини (кейинги ўринларда "ёшлар" деб юритилади) кўллаб-қувватлаш ва рағбатлантириш, уларнинг саломатликларини тиклашга кўмаклашиш мақсадида ишлаб чиқилган.

2. Низом 20 ёшдан 35 ёшгача бўлган касаба уюшмалари аъзоларини Ўзбекистон касаба уюшмалари Федерацияси тизимидаги санаторийларда (кейинги ўринларда "санаторий" деб юритилади) бепул соғломлаштириш учун йўлланма бериш ва ундан фойдаланиш тартибини белгилайди.

**II. Санаторийларда бепул соғломлаштириладиган
ёшлар рўйхатларини шакллантириш**

3. Касаба уюшмалари аъзоларининг ижтимоий-иқтисодий, ҳуқуқий манфаатларини ҳимоя қилишда фаоллик кўрсатиб келаётган касаба уюшмаси фаоллари, ёш ходимлар ва болалиқдан ногирон бўлган, етим ёхуд ижтимоий муҳофазага муҳтож талабаларни санаторийларда бепул соғломлаштириш ишлари Ўзбекистон касаба уюшмалари Федерациясининг Қорақалпоғистон, вилоятлар ва Тошкент шаҳар кенгашларининг (кейинги ўринларда "ҳудудий кенгашлар" деб юритилади) касаба уюшмаси ва ижтимоий суғурта бюджети маблағлари ҳисобидан амалга оширилади.

Ҳудудий кенгашлар томонидан тақдим этиладиган, санаторийда бепул соғломлаштириладиган ёшларнинг сони бир йилда ҳар бир ҳудуддан бир нафардан, жами 14 нафар этиб белгиланади.

4. Санаторийларда бепул даволаниш учун ёшлар номзодларига Ўзбекистон касаба уюшмалари Федерацияси раиси томонидан истисно тарикасида қўшимча номзод тавсия этилиши мумкин (белгиланган 14 нафар номзоддан ташқари).

5. Номзодларни танлаш учун ҳудудий кенгашларда йўлланма ажратиш комиссияси тузилади.

6. Соғломлаштириш учун бепул йўлланма:

Олий таълим муассасаси, корхона ташкилот касаба уюшмаси кўмитасининг хулосасига кўра:

ижтимоий муҳофазага муҳтож оиланинг фарзанди, ёки болалиқдан ногирон (меҳнатга лаёқатли) ёхуд етим;

корхона, ташкилот ва муассаса касаба уюшмаси ҳаётидаги фаол ёшларга берилади.

7. Номзодлар ўзлари ишлаётган корхона, ташкилот ёки таҳсил олаётган олий таълим муассасаси касаба уюшмаси қўмитасига қуйидаги ҳужжатларни тақдим этади:

фуқаролик паспорти нусхаси;

3,5 x 4,5 см ҳажмдаги 2 дона рангли фотосурат;

ногиронлиги, етимлиги ёки иқтисодий аҳволи ҳақида олий таълим муассасаси, корхона ташкилот касаба уюшмаси қўмитасининг хулосаси;

соғломлаштиришга муҳтожлиги тўғрисида тиббий хулоса;

бошланғич касаба уюшмалари ташкилотларидаги касаба уюшмалари қўмиталарининг ёшлар билан ишлаш комиссиялари ёки ёшлар ташкилотчиси тавсияномаси.

8. Корхона, ташкилот ва муассаса касаба уюшмаси қўмитаси номзодлардан келиб тушган ҳужжатларни алоҳида жилдга жойлайди, ҳар бир жилд муқовасида корхона, ташкилот ёки олий таълим муассасаси номи, номзоднинг фамилияси, исми ва отасининг исми, лавозими, факультети, курси, гуруҳини кўрсатади.

9. Йўлланма олиш учун ҳужжат топширган номзодларнинг иқтисодий аҳволи, соғломлаштиришга муҳтожлиги корхона, ташкилот ва муассаса касаба уюшмаси қўмитасининг йиғилишида муҳокама этилади ва **жорий йилнинг 5 октябрга қадар** ҳудудий кенгашнинг йўлланма ажратиш комиссиясига номзодларнинг ҳужжатлари ва йиғилиш баёни тақдим этилади.

10. Тақдим этилган ҳужжатлар ҳудудий кенгашнинг йўлланма ажратиш комиссияси томонидан **ҳар йили 10 октбр кунига қадар** кўриб чиқилади.

11. Ҳудудий кенгашлар ҳар йили **20 октябрга қадар** кейинги йилда санаторийларда бепул соғломлаштириш учун тавсия этиладиган ёшлар рўйхати ва тавсия хатини, соғломлаштиришнинг муддати (ойи)ни ҳамда санаторий номини кўрсатган ҳолда, Ўзбекистон касаба уюшмалари Федерациясига тақдим этади.

Санаторийда соғломлаштириш учун бепул йўлланмалар биринчи навбатда шифокорларнинг хулосасига кўра соғломлаштиришга муҳтож, етим, чин етим, иқтисодий ночор оилаларнинг фарзандлари бўлган ёшларга берилади.

Ушбу низомга асосан бепул йўлланма бир шахсга фақат бир мартаба берилади. Йўлланма олган шахснинг рўйхатга қайта киритилмаслигига ҳудудий кенгаш раҳбари шахсан жавобгар, масъул ҳисобланади.

12. Санаторийларда бепул соғломлаштириш учун тавсия этилган номзодларнинг умумий рўйхати **ҳар йили 30 октябрга қадар** Ўзбекистон касаба уюшмалари Федерацияси томонидан тасдиқланади.

13. Ёшларга санаторийларда бепул соғломлаштириш бўйича сертификатлар “11 ноябрь – Ўзбекистон касаба уюшмалари куни” байрами арафасида тантанали тарзда топширилади.

14. Тасдиқланган рўйхат ҳудудий кенгашларга ҳар йилнинг 30 ноябригача етказилади, улар эса ўз навбатида рўйхатга киритилган ёшларни соғломлаштириш муддати ҳақида хабардор қиладилар.

III. Санаторийларда соғломлаштириш учун бепул йўлланма бериш ва ундан фойдаланиш тартиби

15. Бепул йўлланмалар ҳар йили тасдиқланган руйхатга асосан ҳудудий кенгашлар томонидан берилади.

Худудий кенгаш раисининг ёшлар масалалари бўйича маслаҳатчиси санаторийларга берилган йўлланмаларни алоҳида “Йўлланмаларни рўйхатга олиш китоби”да акс эттиради. Мазкур китобнинг варақлари рақамланиб, тикилади ва худудий кенгаш раиси томонидан имзоланиб муҳрланади.

Йўлланма фақат берилган шахс учунгина ҳақиқий ҳисобланади.

16. Ёшлар санаторийларда соғломлаштириш учун тасдиқланган рўйхатда кўрсатилган муддатларга қатъий риоя этган ҳолда қабул қилинадилар.

Йўлланма олган шахс объектив сабабларга кўра, белгиланган муддатда санаторийга келишининг имкони бўлмаган ҳолларда, бу ҳақида худудий кенгашни соғломлаштириш муддати бошланишидан камида 10 кун аввал хабардор қилади.

Бундай ҳолда санаторий билан келишиб даволаниш муддати шу йилнинг бошқа муддатига ўтказилиши мумкин.

Йўлланма муддати бир йилда бир мартаба ўзгартирилиши мумкин.

IV. Санаторийларда ёшларни соғломлаштириш ишлари учун маблағ ажратиш

17. Санаторийларда ёшларни соғломлаштиришга маблағлар:

- касаба уюшмалари аъзолари (ишловчи ёшлар) учун худудий кенгашларнинг ижтимоий суғурта бюджети маблағлари ҳисобидан;

- Олий таълим муассасаси талабаларига худудий кенгашларнинг касаба уюшмаси бюджети ҳисобидан ажратилади.

V. Яқуний қондалар

18. Соғломлаштириш учун қабул қилинган ёшлар санаторийда ўрнатилган ички тартиб-қондаларга қатъий риоя этишлари шарт.